



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqqutip 054/2020-p akineqarnera

Mammografi atorlugu misssuisarnerit aamma Steno Diabetes Center Grønland pillugit apeqqutigisannut qujanaq. Apeqqutigineqartut issuarneqarput, tullinguuttunilu akissuteqarfigineqarlutik.

07-04-2020
Suliap normua 2020 - 4693
All. nr. 13448761

Postboks 1160
Oqarasuaat 34 50 00
Allak. 34 55 05
3900 Nuuk
Email: pn@nanoq.gl
www.naalakkersuisut.gl

1) Naalakkersuisut ilisimatitsissutigisinnaanerlugu arnat mammografi-mut tunngatillugu Qallunaat Nunaannut misssiortikkiartortut qulaajartikkiartortullu qassiunersut?

Naak Dronning Ingridip Napparsimavissuani sulisussarsiorneq annertuumik sulisutigineqaraluartoq december 2019-imi aamma januar 2020-mi mammografi atorlugu misssuinissanut radiologinik sulilersitsiniarneq periarfissaasimanngilaq. Tamannalu pissutigalugu sapaatip akunnerani 9-mi napparsimasut 26-it mammografi atorlugu misssortinnissanut utaqqisinnaanngitsut nalilerneqarpoq, taamaammallu mammografi atorlugu misssortittussanut utaqqisunut allattorsimaffik misssuiffigineqarsimalluni. Taamaammatt napparsimasut mammografi atorlugu Danmarkimut misssortikkiartorsimapput. Aallaaviatigut mammografi atorlugu misssortittussat Dronning Ingridip Napparsimavissuani misssorneqartussaapput, sularineqartussaapput nakkutigineqartussaallutillu, matumani allat pillugit nalileeqqissaarnernik peqartoqanngippat.

2) Nuummi tamanna ingerlanneqarsinnaassappat qanoq aningaasartuutit anertutigissappat, aammalu aaqqiissut taanna qanoq sivisutigisumik ingerlanniarpisiuk?

Matumani aaqqissuussaq aalajangersimasoq pineqanngilaq, kisiannili immikkuullarissuuvoq Peqqinnissaqarfiup pinngitsoortinniarlugu sulisutigiuartagaa. Sapaatip akunnerini 9-mi 14-imilu mammografi atorlugu misssuinerit DIN-imi ingerlanneqarsimapput.

Aallaaviatigut mammografi atorlugu misssortinnissat DIN-ni neqeroorutaasarput, tamannalu aaqqiissutissaavoq akikinnerusoq, napparsimasunullu tulluarnersoq.

3) Steno Diabetes Center piviusunngortinneqarnissaanut pilersaarummut atattillugu Naalakkersuisut aningaasartalersorneqarnissaanut sulisoqarniarnissaanullu suliniutit suut ingerlappaat?

Namminersorlutik Oqartussat Nuummi Inuunerissaavimmi, nunallu sinnerani i-nuunerissaavinni neqeroorutit sammisallu pioreersut ingerlannerinut aningaasalersuinertik ingerlatiinnassavaat. Novo Nordisk Fonden Steno Diabetes Center aqqutigalugu sammineqartussanut nutaanut illuutigineqartumullu aningaasalersuisuuvoq. Novo Nordisk Fondenimik suleqateqarneq killilersuiffigineqanngilaq. Suleqatigiinnerup sivitsorneqarsinnaanera atorunnaarsikkaartuarneraluunniit nalilersuiuarnerit, ukiullu qulit qaangiunnerisigut ataatsimut naliliineq tunngavigalugit naliliiffigineqarumaarpoq. Tamatuma kingorna aningaasaliissutit Novo Nordisk Fonden-imeersut suleqatigiinnerlu ukiut sisamakkaarlugit sivitsuiffigineqarsinnaassapput. Suleqatigiinnerup ukiut qulit siulliit saniatigut sivitsuiffigisinnaanera naatsorsuutigineqarpoq. Suleqatigiinneq ukiut qulit qaangiunnerisigut naatsorsuutigineqanngitsutut unitsinneqassagaluarpas atorunnaarsitsinissamut aningaasaliissutinik ukiunut marlunnut atuuttussanik Namminersorlutik Oqartussat tunineqassapput. Tamatuma kingorna Steno Diabetes Centerip ingerlanneranut aningaasaliissutit Namminersorlutik Oqartussanit tiguneqassapput.

Steno Diabetes Centeret Peqqinnissaqarfimmut aalajangersimasumik ilaalersusaavoq, taamaammallu Peqqinnissaqarfiup sulisussarsiortarnernut sulisoqaannarnissaanullu suliniutai periusissaalu atorneqassapput. Pilersaarummut takorluukkanut isummernissamut tunngavissiap najoqqutassallu suliarineranni Peqqinnissaqarfiup sulisussarsiortarnernut sulisoqaannarniarnermullu unamilligassai eqqarsaatigineqarput. Taamaammat sullissivimmi sammineqartussat aallartikkiartuaarneqassapput, taamaaliornikkut sammineqartussat nutaat aallartitsinnagit sulisussat pisariaqartinneqartut qulakkeerinniffigineqassammata. Steno Diabetes Centerimut ukiumoortumik ingerlatsinermut aningaasaliissutaasussat naafferartumik tunniuttalernissaat aamma atorneqalissaaq.

Med venlig hilsen
Inussiarnersumik inuulluaqqusillunga


Martha Abelsen